



Terenga 6: Hōtaka 14 - 'Nāwai, nāwai...'

He Mihi

Whakatata mai anō rā, kei ngā kaitoutou i te ahi o te reo, i roto i ō koutou ake kāinga, marae, wāhi mahi, kura, i hea ake rānei. Whakapiri mai ki ngā huānga o Ako.

Hei Mahi Whakarongo

Ko Heketū Blake te kaikōrero i roto i te kiriata poto o te rā, i tangohia mai ai i te hōtaka o Whakataukī. Tēnei ka mihi ki a Raukatauri, mōna i whakaae kia puta anō ēnei kōrero i konei. Anei ngā pātai hei whakautu mā koutou:

- 1) E tukuna ana te kōrero ki a wai?
- 2) He aha te kupu whakarite?
- 3) He aha te raupapatanga o ngā mahi mai i te wā e hui ana ngā tamariki?

He Whakamārama


Ko te 'Nāwai rā' me te 'Nāwai, nāwai' ētehi kīanga hei tohu i te takanga o te wā.

- Mō te wā hipa tēnei kīanga.
- Kāore i te mōhiotia te roa o te takanga o te wā.
- Ehara i te mea me rua rawa ngā 'Nāwai' hei tohu i te takanga o te wā.

Anei ētehi tauira:

- a) **Nāwai** ka tō te rā. *After a while, the sun set.*
- e) **Nāwai rā** ka kitea te mātārae. *After some time, we saw the headland.*
- i) **Nāwai, nāwai** ka tutū te puehu. *After a while, things became hostile.*

He Mahi Ī-papa



Tuhia mai he raupapatanga, e puta ai te kīanga 'nāwai' i roto i te kōrero.

Hei Mahi

Whakamāoritia ēnei rerenga kōrero.

1. After a while, the rain stopped.
2. It was some time before it dawned on me!
3. We talked and after a while, I began to feel better.
4. Mary wrote Jim a letter and after a while, Jim replied.

Whakautu:

Mahi ĩpapa: *I te roanga o te kēmu, i mua ngā ihu o te kapa Broncos, nāwai, ka paneke ngā Warriors, nāwai rā ka toa.*

Hei Mahi:

1. Nāwai rā, ka mao te ua.
2. Nāwai, nāwai ka taka te kapa.
3. I kōrero māua, ā, nāwai rā, ka tau haere taku mauri.
4. I tuhi a Mere i tētehi reta ki a Hēmi, ā, nāwai rā, ka whakautua te reta e Hēmi.